



UNIVERSITÄTS-  
BIBLIOTHEK  
PADERBORN

# Horologium Spirituale Scholasticorum Societatis Jesu

**Dirckinck, Johann**

**[Osnabrugi, 1696**

Faciendi memento.

---

---

**Nutzungsbedingungen**

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

Aspicite, Amici Dei charissimi Magistrum & præmium vestræ sanctitatis; cui in hac vita unice placere desiderastis: & facite me in via perfectionis, nunquam subsistere; sed magnis passibus in vera, & spiritui Societatis conformi sanctitate semper procedere. *Conclude, cum petitione benedictionis.*

---

*P R A X I S*

Faciendi memento.

Ante vel post sacrum aut communionem more R. P. Alberti Mentzinsi Poloni postea Japoniæ Martyris.

**E**GO Domine, sequendo consilium Jesu, qui dixit: *Rogate ergo Dominum messis, ut mittat operarios in messem suam.* Lucæ 10. Te rogo cum instantia Domine.

I. Pater, *vide regiones, quæ albae sunt ad messem.* Aspice Deus animæ meæ, oculis misericordiæ tuæ, & compatere omnibus Sinensibus, Japonibus, Indis orientalibus & occidentalibus, ac toti gentilitati, ut cognoscant te Deum verum & vivum, & quem misisti Jesum Christum. Mitte ergo operarios in messem tuam. II,

II. Pater, *vide regiones, quæ alba sunt ad messem.* Aspice Deus animæ meæ, & compatere omnibus Mauris, Tartaris, Turcis & reliquis nationibus, quæ sequuntur impiam sectam Mahometis; ut cognoscant te Deum verum & vivum, & quem misisti Jesum Christum. Mitte ergo operarios in messem tuam.

III. Pater, *vide regiones, quæ alba sunt ad messem* & compatere omnibus Judæis, Hæreticis, & Schismaticis, ut cognoscant te Deum verum, & quem misisti Jesum Christum, & uniantur Ecclesiæ tuæ & sic fiat unum ovile & unus Pastor. Mitte ergo operarios in messem tuam, propter te ipsum, propter sanguinem Jesu, & merita B. M. omniumq: Sanctorum.

IV. Pater vide Ecclesiam tuam sanctam. Aspice Deus animæ meæ oculis misericordiæ, & compatere Ecclesiæ tuæ sanctæ, totiq; populo Christiano. Pone, Deus meus in ea spiritum novum, & omnes status renova, ut quilibet juxta obligationem suam sincero tibi corde deserviat.

V. Reforma Domine, statum Clericalem, à Pontifice ad infimum Clericum, ut  
sint

sint sicut in primitiva Ecclesia. Reforma etiam Religiones omnes, & fac eas redire ad fervorem & sanctitatem, in qua sunt institutæ. Ut verificetur de illis hîc in terris, quod Filius tuus promisit futurum in cœlis. *Erunt sicut Angeli Dei.*

VI. Reforma quoque Domine universum statum sæcularem, incipiendo à Rege supremo ad infimum subditum, & à Generali ad minimum militem. Singulisque concede in suo statu tam piè, sobriè, justè ac purè degere, ut sicut lux luceant coram hominibus, & glorificent te Patrem nostrum, qui in cœlis es.

VII. Denique benignis oculis aspice, Deus animæ meæ, amantissimam matrem meam Societatem Jesu ac I. non permitte ut in ea fervor & primitivus Spiritus relaxetur, sed constitutiones & regulæ perfectissimè custodiantur. Exhibe te benignû, solitisq; gratiis tuis illam adjuva, ut omnes ejus Filii salventur; & si qui sint in ea reprobi, tanquam hædi dimittantur; & reliqui tanquam oves prædestinatæ custodiantur. 2. Concede Societati & in quolibet ejus membro perfice spiritum Christi  
fer-

ferventissimum, ut instrumenta apta totalis reformationis Ecclesie & conversionis totius mundi evadant. 3. Largire Patri nostro Generali, Provincialibus, & Superioribus omnibus omnimodam perfectionem, sanctitatem, prudentiam & gratiam subditos bene gubernandi, & his obediendi, secundum gustum & beneplacitum tuum. 4. Tribue omnibus nobis & singulis fidem vivam, spem certam, charitatem seraphicam, intentionem puram, castitatem angelicam, paupertatem Evangelicam, obedientiam Apostolicam, resignationem absolutam; cum donis lacrymarum & contritionis, perseverantiae, & orationis perfectae, ad maximam gloriam tuam.

VIII. Totum hoc Pater amantissime, peto à te, & si est possibile, videam impletum. Veruntamen non mea sed tua voluntas fiat. Atque ut ea præstare digneris, offero ac do, quantum possum, tibi Teipsum, Matrem meam Mariam cum omnibus Angelis Sanctis & animabus purgantibus. Omnes homines presentes & futuros cum eorum meritis, ac denique me totum cum omnibus potentiis & actibus, unitis Jesu & Sanctorum meritis. Amen. *Pro*

PROBLEMA.

Seu paradoxū, cur multi ex S. Commu-  
 nione adeò frequenti tam parūm pro-  
 ficiant ; quod mirabilius videtur , quàm  
 versantem in igne, algere, in aqua non ma-  
 defieri, in sole non illuminari. Sumimus  
 enim Christum, ignem infinitum, solem ju-  
 stitię, aquam salientem in vitam æternam.  
 Et S. Dionysius c. 8. Eccles Hierarch. docet  
 sanctissimam Eucharistiam vim perficiendi  
 habere ; imò vim maximam perficiendi o-  
 mnia sacramenta, ideoq; ab Apostolo vo-  
 cari Sacramentum Sacramentorum. Sancta  
 verò Maria Magdalena de Pazzis c. 49. vi-  
 tæ asseruit, communionem unam probè  
 peractam, ad animam perficiendam suffi-  
 cere.

R. I. Causam hujus defectus in vitæ no-  
 stræ activæ occupationes minimè refun-  
 dendam esse : hæ enim Eucharistiæ fructū  
 haudquaquam sufflaminant. Liquet id ex  
 vitis Sanctorum nostrorum Ignatii, Xave-  
 rii, nec non Barzæi, Silveriæ, Mancinelli,  
 Colnagi, Realini & aliorum salute & au-  
 xilio animarum perpetuò ferè se occupan-  
 tium, & tamen ad summam perfectionem per-

pervenientium. Quod & hodie dum plures has distractiones Dei amore subeuntes experiuntur.

Respondeo II. Radices esse has. I. Multitudo peccatorum venialium, ex supina negligentia commissorum, quæ fervorem charitatis minuunt, ut docet S. Thomas 1. 2. q. 81. Deinde negligentia & peccata venialia in ipsa præparatione, sumptione Eucharistiæ, & gratiarum actione admissa. Tertio, aliud manducas, aliud esuris, ait Cardinalis Bona. Affectum retines ad res terrenas, conversationes humanas, recreatiunculas &c. Manna non tribuit Dominus, nisi deficientibus Ægypti cibariis. *Anima saturata calcabit favum.* Prov. 27. Quarto exiguum desiderium. Panis iste interioris hominis requirit esuriam, ait S. Augustinus. Quinto denique non cooperamur pro viribus gratiæ Sacramenti, non strenuè rem aggredimur; occasiones virtutum sese offerentes negligimus. Aliàs auxilium Domini & manum non abbreviatam certò experiremur. Nam facienti, quod est in se, gratiam Deus non denegat.

HORA VIII. & IX.  
STUDIUM.

§. I.

De virtute Studiositatis.

**N**E Scholastici nostri vel per excessum, vel per defectum in studiis suis impingant, Studiositas calcar & frænum exhibet. Studiositas enim virtus est, quæ affectum & studium cognoscendi, secundum rationis præscriptum moderatur. 1. Ne quis plura & altiora scire aveat, quàm conditio & capacitas ferat, nec pluris scientiam quàm virtutem faciat. 2. Hæc ipsum studium in acquirenda scientia moderatur, ut quis studeat sicut, & quibus oportet. 3. Ad studium excitat, si languor obrepit. Atq; ita virtus hæc duplici vitio sibi opposito resistit; dum scilicet curiositatem, quæ rebus inutilibus & statui suo non convenientibus vacare gestit, refrænât; & negligentiam, quæ est voluntaria omissio discendi ea, quæ scire quis tenetur, extimulat.

Amplectendum itaq; est Doctoris meliflui consilium *Serm. 36. in Cant.* Sic sua-

G

den-



dentis: *Obserua, quid scire magis, prius oporteat, tempus enim breve est. Ea igitur prius scire, ampliusque curato, qua senserit viciniora saluti. 2. Quo ordine, quo fine. Sunt namq; qui scire volunt eo tantum fine ut sciant, & turpis curiositas est. Et sunt qui scire volunt, ut sciantur ipsi, & turpis vanitas est; & sunt, qui scire volunt, ut scientiam suam vendant, & turpis questus est. Et sunt quoq; , qui scire volunt, ut adificent, & charitas est. Et item scire volunt, ut adificentur, & prudentia est.*

## §. II.

## De methodo religiosè studendi.

**M**onitum I. *Cùm vita Religiosi, ut docet, D. Thomas, tota divinis obsequiis, tanquam holocaustum perfectum, mancipata sit, omne scientiarum studium, ad studium amoris Dei à Religioso ordinandum est. Quod & Apostolus docuit, ad Titum c. 1. Ad agnitionem veritatis, qua secundum pietatem est, in spem vite aeternae, scilicet ad cognitionem & cultum Dei.*

Monitum II. *Quare Religiosus studiis vacans, conjungat scientiam amoris, eo*